




長生天氣力裏

大福蔭護助裏



皇帝聖旨行中書省行御史臺行宣政院官人每根底宣慰司

廉訪司官人每根底軍官每根底軍人每根底城子

裏達魯花赤官人每根底往來的使臣每根底百姓

每根底衆和尚每根底

宣諭的

聖旨

成吉思皇帝

月闕台皇帝

薩禪皇帝

完者篤皇帝

曲律皇帝

普顏篤皇帝

格堅皇帝

忽都篤皇帝

札牙篤皇帝

亦輦真班皇帝聖旨裏和尚也里可溫先生每不揀甚麼差發

休當告

天祝壽者麼道說有來如今依着在先

聖旨體例裏不揀甚麼差發休當告

天與

咱每祝壽者麼道

札牙篤皇帝教起蓋大龍翔集慶寺的時分依着清規體例行者麼道曾行

聖旨有來江西龍興路百丈大智覺照禪師在先立來的清規體例近年以來各寺裏將那清規體例增減不一了有如今教百丈山大智壽聖禪寺住持德輝長老重新編了教大龍翔集慶寺笑隱長老爲頭揀選有本事和尚好生校正歸一者將那各寺裏增減來的

不一的清規休教行依着這校正歸一的清規體例
定體行者麼道執把的

聖旨與了也這的每寺院房舍裏使臣每休安下者鋪馬祇應
休拿者稅糧休納者但屬寺家水土園林人口頭疋
碾磨店鋪解典庫浴堂竹園山塲河泊船隻等不揀
是誰休奪要者休倚氣力者這般

宣諭了呵別了的人每要罪過者更這的每有

聖旨麼道做沒體例勾當呵他每更不怕那

聖旨

元統三年猪兒年七月十八日上都有時

分寫來

皇帝聖旨裏

帝師公哥兒監藏班藏卜法旨行中書省行御史臺行宣政
院官人每根底宣慰司廉訪司官人每根底軍官每
根底軍人每根底城子裏達魯花赤官人每根底往
來使臣每根底本地面官人每根底百姓每根底衆
和尚每根底

省諭的

法旨

札牙篤皇帝盖大龍翔集慶寺的時分教依着百丈清規體例

行了

聖旨有來這清規是百丈大智覺照禪師五百年前立來的如
今

上位加與弘宗妙行師號更爲各寺裏近年將那清規增減不
一教百丈山德輝長老重新編了教龍翔寺笑隱長
老校正歸一定體行的執把

聖旨與了也

皇帝爲教門的上頭教依着這校正歸一的清規體例定體行
者麼道是要天下衆和尚每得濟的一般您衆和尚
每體着

皇帝聖心興隆

三寶好生遵守清規修行辦道專與

上位祈

福祝

壽報答

聖恩弘揚

佛法者不揀是誰休別了者見了

法旨別了的人每不怕那甚麼

法旨

鼠兒年四月十一日大都大寺裏有時分

寫來

皇帝聖旨裏行宣政院准

宣政院咨據僧子仲狀告係江西道龍興路百丈山大智壽聖禪寺知事僧元統三年七月十八日本寺住持德輝長老欽受

御寶

聖旨節該江西龍興路百丈大智覺照禪師在先立來的清規體例近年以來各寺裏將那清規體例增減不一了有如今教百丈山大智壽聖禪寺住持德輝長老重新編了教大龍翔集慶寺笑隱長老爲頭揀選有本

事的和尚好生校正歸一者將那各寺裏增減來的不一的清規休教行依着這校正歸一的清規體例定體行者麼道執把的

聖旨與了也欽此除欽遵外緣係各省開讀事理欽錄

聖旨全文連前告乞施行得此照得元統三年五月初七日阿

察赤怯薛第二日三吉怛

納鉢裏有時分對脫別台平章闊兒吉思平章阿魯灰院使舉里學士等不蘭奚大司徒根底撒迪中丞傳奉

聖旨江西龍興路裏有的百丈大智覺照禪師在先立來的清規體例近年各寺裏將那清規體例增減了有如今

教百丈寺裏住持德輝長老重

教大龍翔集

慶寺笑隱長老爲頭揀選有本事

尚好生校正

歸一與定體執把行的

聖旨更百丈大智覺照禪師根底加與弘宗妙行師號宣政院
行文書與詞頭

宣命者麼道

聖旨了也欽此除詞頭

宣命具呈

中書省照詳外據

聖旨移付蒙古房就行翰林院欽依

頒降外今據見告當院除外欽錄

聖旨全文在前合行咨請照驗遍行合屬欽依施行准此除外
欽錄全文在前使院合下仰照驗欽依施行須議劄
付者

右劄付百丈山大智壽聖禪寺德輝長老准此

蒙古字一行

至元二年 月 日

勅修百丈清規目錄

大智壽聖禪寺住持臣僧德輝奉勅重編
大龍翔集慶寺住持臣僧大訢奉勅校正

○卷上

祝釐章第一

聖節

景命四齋日祝讚

旦望藏殿祝讚

每日祝讚

千秋節

善月

報恩章第二

國忌

祈禱

祈晴遣蝗

祈雨日蝕

祈雪月蝕

報本章第三

佛降誕

佛成道涅槃

帝師涅槃

尊祖章第四

達磨忌

百丈忌

開山歷代祖忌

嗣法師忌

住持章第五

住持日用

上堂

晚參

普說

告香

肅眾

訓童行

迎待尊宿

施主請陞座齋僧

請新住持

發專使

當代住持受請

山門管待新命并專使新命

辭衆上堂茶湯

西堂頭首受請人煎點

受請人并專使

入院

山門請新命齋

開堂祝壽

山門特爲新命茶湯

當晚小參

爲建寺檀越陞座

管待專使

留請兩序勤舊煎點

報謝出入

退院

遷化

請入龕
喪司執事

請主喪
孝服

佛事
掛真舉哀奠茶湯

移龕
對靈小參奠茶湯念誦致祭

祭次
茶毘

出喪掛真奠茶湯
全身入塔

唱衣
下遺書

靈骨入塔
管待主喪及喪司執事人

議舉住持

○卷下

兩序章第六

西序頭首

前堂首座
書記

後堂首座
知藏

知客
知殿

知浴
侍者

衣鉢侍者
聖僧侍者

湯藥侍者

東序知事

都監寺
典座

維那
直歲

副寺

列職雜務

寮元
延壽堂主

寮主副寮
淨頭

化主
磨主

園主
水頭

炭頭
諸莊監收

莊主

請立僧首座

請名德首座

兩序進退

掛鉢時請知事

侍者進退

寮舍交割什物

方丈特為新舊兩序湯

堂司特為新舊侍者湯茶

庫司特為新舊兩序湯礪

堂司送舊首座都寺鉢位

方丈管待新舊兩序

方丈特為新首座茶

新首座特為後堂大眾茶

住持垂訪頭首點茶

兩序交代茶

入寮出寮茶

頭首就僧堂點茶

兩序出班上香

大眾章第七

沙彌得度

新戒叅堂

登壇受戒

護戒

辦道具

三衣

坐具

偏衫

淨瓶

直裰

鉢

錫杖

裝包

遊方叅請

大相看

大掛搭歸堂

小掛搭歸堂
諸方名勝掛搭

西堂首座掛搭
法眷辦事掛搭

拋香相看

謝掛搭

方丈特為新掛搭茶庫司頭見

坐禪

坐禪儀

坐叅

大坐叅

請益

赴齋粥

普請

龜鏡文

亡僧

抄割衣鉢
送亡

請佛事
茶毗

估衣
冒衣

大夜念誦
入塔

版帳式

節臘章第八

夏前出草單

出圖帳

楞嚴會

方丈小座湯

赴茶湯

日用軌範

病僧念誦

新掛搭人點入寮茶

衆寮結解特爲衆湯附建散
楞嚴

戒臘牌

四節土地堂念誦

庫司四節特爲首座大衆湯

結制禮儀

四節秉拂

庫司四節特爲首座大衆茶

前堂四節特爲後堂大衆茶

旦望巡堂茶

方丈點行堂茶

庫司頭首點行堂茶

月分須知

法器章第九

鐘

大鐘
殿鐘

僧堂鐘

版

木魚

椎

磬

鐃鈸

鼓

法鼓
浴鼓

茶鼓
更鼓

齋鼓

普請鼓

附著

百丈祖師塔銘

百丈山天下師表閣記

占清規序

崇寧清規序

咸淳清規序

至大清規序

日用寒暄文

勅脩百丈清規目錄畢

勅修百丈清規卷上

大智壽聖禪寺住持

臣僧德輝奉

勅重編

大龍翔集慶寺住持

臣僧大訢奉

勅校正

祝釐章第一

人之所貴在明道故自古聖君崇吾西方聖人之教不以世禮待吾徒尊其道也欽惟

國朝優遇尤至特蠲賦役使安厥居而期以悉力于道

聖恩廣博天地莫窮必也悟明佛性以歸乎至善發揮妙用以

超乎至神導民於無爲之化躋世於仁壽之域以是報

君斯吾徒所當盡心也其見諸日用則朝夕必祝一節不忘而

存夫軌度焉

聖節

欽遇

聖節必先啓建金剛無量壽道場一月日僧行不給假示敬也
啓建之先一日堂司備榜張于三門之右及上殿經單後見俱
用黃紙書之輪差僧簿依戒次各書雙字名維那先五日袖紙
帶堂司行者詣書記寮通報書記出接維那觸禮一拜稟云啓
聖節煩製疏語如書記缺則書狀詩者代之俱缺則用現成疏語見後書記製畢具草先呈住持
親送堂司觸禮一拜答先禮也維那用黃紙書疏帶行僕捧盤
袱爐燭香合上方丈請住持僉疏炷香觸禮一拜稟云啓建聖

尚僉

僉訖行者就覆住持來早殿上啓建諷經仍報諸寮掛諷

經牌燒香侍者覆住持來早上堂至五更住持行香回再覆粥

罷上堂令客頭掛上堂牌維那於僧堂早粥遍食椎後再鳴椎

一下云

大白大衆粥罷聞鐘

天壽聖節謹白

復鳴椎一下住持

前問訊從首座板起巡堂一匝出外堂下間至上間歸內堂中

間問訊而出粥後少停待大殿排香燭茶湯鐺鉢手爐俱辦堂

司行者報方丈客頭先覆住持次覆侍者鳴方丈板三下鳴鼓

堂司行者預鳴衆寮前板三下集衆坐堂如尋常坐禪向內坐

鼓鳴則轉身向外坐頭首先集堂外候鼓鳴即入堂首座後入

就坐西堂動舊蒙堂諸寮並外堂坐住持於鼓初鳴出寢堂坐

侍者問訊東立行者問訊西立轉鼓侍者往法座左側立候衆
集頭首下床聖僧前問訊領衆出堂至法座前列一行問訊歸
西序立大衆應列于後若不候頭首至先自立定非法也其行
堂亦於鼓鳴時鳴板三下衆頭領衆行者列庫堂前相對排立
候轉鼓知事出則問訊隨其後待西序歸位畢亦列一行座前
問訊上首居後都寺引歸東序立定衆行者列知事後稍離遠
立待侍者入請住持出行者問訊住持至法座前行者趨近知
事後立冬月則衆去帽問訊住持和南登座侍者隨上法座以
香合蓋盛香捧上住持拈香祝壽畢侍者接香以左手挿爐中
右手拈從香一炷畧問訊下座歸班待住持歛衣趺坐侍者先

末班引過座下列一行問訊燒香侍者引班歸位次首座領班
出列座前問訊大衆同問訊知事轉班列座前問訊行者隨問
訊西堂東堂出座下問訊侍者登座左手上香轉身提坐具問
訊衆請法謂之代退立座側問答罷陳白事意云某月某日欽遇某
月某日啓建金剛無量壽道場一月日逐日輪僧上殿披閱金
文今辰開啓住持臣僧某陞于此座舉揚聖諦第一義所集洪
因端為祝延說法竟白云殿啓建各具威儀諸大佛此日座下雖
聖壽萬安者說法竟白云殿啓建天壽聖節謹白此日座下雖
有官員亦不得敘謝蓋尊君也鳴大鐘及僧堂前鐘集衆列殿
上向佛排立住持上茶湯上首知事迺上燒香侍者就佛座前
下茶湯畢住持歸位立定行者鳴鈸維那轉身爐前揖住持上
香燒香侍者捧香合次東堂西堂出班上香如有大方諸山住持偶至者令侍者

請於兩序次兩序對出向佛問訊上香畢兩兩相朝轉身歸位
前上香大衆同展三拜兩序分班對立住持就跪知客跪進手爐侍者
跪進香合維那白佛宣疏畢知客跪接爐住持收坐具維那舉
楞嚴呪回向云諷誦祕章所萃洪因端為祝延今上衆散每
日堂司行者將輪差僧簿須預先一日請住持頭首衆僧各書
雙字名僉押量衆多少依戒具寫差單排定日分周而復始仍
列經目對揭殿內柱上至日各務嚴肅鳴大鍾上殿當次僧負
須具威儀香合禮佛歸位看經庫司嚴設香燭備點心維那燒
香點湯照拂至晚鳴大鍾下殿堂司行者直殿行者常加伺候
毋令怠慢如官員入山拈香鳴鐘集衆諷無量壽呪舉藥師彌

畢回向云

某處某官入山拜手拈香僧衆諷誦祕章所萃洪因端為祝延今上皇帝聖壽萬安金剛無量壽云云

節內遇三六日

佛殿念誦至日齋罷堂司行者覆住持兩序諸寮掛念誦牌報衆

叅前巡廊鳴板集衆向佛排立住持至鳴大板三下次鳴大鐘燒

香歸位維那出班念誦云

皇風永扇帝道遐昌佛日增輝法輪常轉為如上緣念清淨法身毘盧遮那佛十號訖回

或住持赴郡縣都道場所歸時鳴鐘集衆門迎詣方丈問訊

聖節啓散古規所載堂僧堂司給由暫到客司給由隨身照證

蓋往時僧道歲一供帳納免丁錢官給由為憑故遊方道具度

牒之外有每歲免丁由有何處坐夏由有啓散聖節以備徵詰

各亦畏慎今雖不用存其事以見古也

黃

榜

式

經

單

某州某府某寺
某月某日欽遇
天壽聖節本寺預於今月某日恭就
大佛寶殿啓建
金剛無量壽道場一月日逐日輪僧上殿披
閱真詮宣持密號所萃
洪因端為祝延
今上皇帝聖壽萬歲萬歲萬歲萬歲
右共惟
佛日洞明
龍天昭格
某年某月 日都監寺臣僧某謹言
住持 臣僧某

差

單

式

今具逐日輪僧上殿名負于后 用白紙書
某日 住持 臣僧 某甲首座 某甲書記
某甲藏主 某甲知客 某甲西堂
某甲稱呼 某甲上座 某甲都寺
右具如前 今月 日堂司 某具

疏語

建啓右伏以

覆燾無私乾坤孰測其高厚 照臨有赫日

月莫喻其光華知

贊仰之徒勞欲 補報而無極惟託鈞陶

之內義重

四恩故竭 忠愛之心虔恭 三祝 斗樞電繞

龍象筵開帝網百億山河咸歸

聖量華藏三千世界益衍

不圖少盡涓埃匪懈朝夕欽願

夔龍登用 景星耀而泰階

平 麟鳳呈祥

聖人作而萬物覩謹疏 滿優鉢羅花瑞世

同佛降生

闍浮提樹連陰與天齊壽故 毓夙成之 睿

質克 承丕顯之 聖謨 大哉乾至哉乾 體乾居正 會
其極歸其極 建極立中爰以 吾道之大同有裨 聖時之
至治山林鐘鼓樂 化日之舒長草木昆蟲被 膏澤之滂漉
祥開震夙 頌祝華封欽頤 垂拱無爲天地位而萬物育
鈞陶有象陰陽理而四時平 壽考萬年 本文百世

 景命四齋日祝讚

景命好日月旦月望初八廿三四齋日隔宿堂司行者報衆掛
諷經牌次早鐘絕後鳴僧堂前鐘集衆登殿維那舉楞嚴呪唱
藥師彌嘆佛畢回向云其日令辰某州某寺住持傳法某僧某
謹集合山僧衆恭趨寶殿諷誦大佛頂
萬行首楞嚴神呪稱揚聖號所萃洪因祝延
今上皇帝聖壽萬安金剛無量壽佛仁王菩薩云云

 旦望藏殿祝讚

旦望古來轉藏祝壽今則必先侵晨登殿 御座前祝讚於禮
爲恭或粥罷陞座罷鳴鐘集衆往藏殿維那舉云摩訶般若衆
波羅蜜多衆
當默念住持領衆合掌繞藏行道三匝多衆則一匝立定維那
舉大悲呪回向云大圓照中有華藏海功超造化道絕名言三
光電卷而實相涵六合雷奔而湛然寂不思
議海難盡讚揚某州某寺住持傳法臣僧某月望令辰謹集合
山僧衆恭趨藏殿繞旋行道稱念摩訶佛母聖號運轉天宮法
寶輪藏諷誦大悲圓滿神呪所萃洪因祝延
聖壽萬安金剛無量壽佛仁王菩薩摩訶薩摩訶般若波羅密

 每日祝讚

齋粥二時下堂僧衆必須登殿維那舉無量壽呪三遍回向云
諷誦祕章所萃洪因端爲祝延
今上皇帝聖壽萬安金剛無量壽佛云云

千秋節

至期堂司行者隔宿報衆掛諷經牌次早鳴僧堂鐘集衆登殿

維那舉楞嚴呪畢白佛

四齋日同

回向云

其道其路其寺其月其日

敬遇皇太子千秋令節

謹集合山僧衆恭超寶殿諷誦大佛頂萬行首楞嚴神呪稱揚

聖號所萃良因敬祝皇太子睿筭千秋殿下伏願日重輪月

重輝照臨海宇山如礪河如帶

鞏固邦基金剛無量壽佛云云

善月

正五九爲善月預先一日維那令堂司行者覆住持報庫司掛

善月牌于殿門前具經單輪差僧簿每日鳴大鐘登殿看經祝

贊終月而畢

始由隋開皇三年詔天下正五九并六齋日各寺建祈禱道

場不得殺生命取藏經中有毗沙門天王每歲巡按四大部

洲正五九月治南贍部洲故禁屠宰而唐之藩鎮每上任必

犒士卒不下數萬人須大烹宰故以正五九不上官爲禁殺

也而俗以爲忌者非

祝釐章終

報恩章第二

國有禘祫四時之祭所以昭功德隆本始重繼嗣也

聖朝崇佛

世祖而下咸各建寺謂由佛應身以御天下化儀旣終復歸佛

位在京官寺於是設聖容具佛壇場月以五示設奠展禮

如生而致夫羹牆之思洪惟 聖化所被與佛之教流于無垠而吾徒沐恩波濡 聖澤可不知所自而思所報效焉

國忌

上賓日屆期隔宿庫司報堂司令行者覆住持兩序報衆掛諷經牌就法座上安 御座用黃紙寫 聖號牌位嚴設香花燈燭几筵供養至期鳴僧堂鐘集衆候住持至上香上茶湯維那舉楞嚴呪諷誦畢回向云 某州某寺住持傳法臣僧某月某日恭遇 某聖忌之辰謹集合山僧衆諷誦大佛頂萬行首楞嚴神呪稱揚聖號所萃殊利資嚴聖駕伏願神遊八極想雲車風馬來臨位證中天受玉殿瓊樓快樂十方三世云云

祈禱

凡有祈禱須如法嚴治壇場鋪陳供養住持專心加謹僧衆各務整肅知事內外提督應辦大小寮舍巡警齋潔或有官貢拈香恭勤迎送預期庫司稟覆住持先付意旨維那知會堂司行者報衆掛祈禱牌齋粥二時鳴鐘集衆諷經或看藏經或四大部經或三日五日七日隨時而行如祈晴祈雨則輪僧十員廿員或三五十員分作幾引接續諷誦每引諷大悲呪消灾呪大雲呪各三七遍謂之不斷輪終日諷誦必期感應方可滿散懺謝其疏意各列于后

祈晴 切見淫雨爲戾物用不成百川橫流民無寧處盖衆生共業所感惟上天覆燾無私由是謹發誠心啓建祈晴道場每

日命僧諷誦經呪仰扣諸聖所冀祈求晴霽速賜感彰伏願掃
頑雲於四野陰沴潛消麗果日於中天容光必照俾五行各順
其序而萬彙悉遂其生

祈雨 切見亢陽爲灾百物就槁匪上天之降罰由下民之多
愆惟諸佛開慈悲之門而神呪有祈禳之應由是謹發誠心啓
建祈雨道場每日命僧諷誦經呪仰扣諸聖所冀祈求雨澤速
賜感通伏願拯生靈於塗炭厥維艱哉起雲龍于山川俾霽霓
矣庶茲多稼亦乃有秋

祈雪 切見時冬恒溫恐生物之疵癘維天降雪淨下土之侵
氛庸致瓣香之誠願集六花之瑞由是謹發誠心啓建祈雪道

場每日命僧諷誦經呪仰扣諸聖所冀祈求雨雪速賜感通伏
願同雲千里潤澤八荒六府三事用修草木咸若二氣五行順
序神人以和

遣蝗 切見飛蝗蔽天惟凶荒之可慮遺孽入地恐滋蔓之難
圖匪假神功之驅除雖極人力而罔措由是謹發誠心啓建遣蝗
道場每日命僧諷誦經呪仰扣諸聖所冀驅遣蟲蝗速賜消殄
伏願滌之風雨掃種類以無遺投之江河隨業感而自化民安
其業物遂其生

日蝕 此日而食占五紀之或乖畏天之威虞六沴之將作故
徇民情而救護盡依佛力以禱禳由是謹發誠心命僧諷誦經

呪用伸救護所冀日精速賜還光伏願五色開而黃道明照臨下土羣陰消而陽德盛昭回于天

月蝕 月耀陰精而主夜所賴照臨天示咎徵于下民於焉薄食既戒既懼以禱以禳由是謹發誠心命僧諷誦經呪用伸救護所冀月華速賜還明伏願妖蠹滅跡清光現大地山河顧免長生萬象納廣寒宮殿

報恩章終

報本章第三

性者人之大本也振天地而莫知其始窮萬世而莫知其終佛與衆生均有是性悟之而登妙覺迷之而流浪生死從劫至劫六

道異趣業報展轉無有窮已所賴聖訓洋洋堪作依怙吾徒忝形服預法系遵其行之爲律宣其言之爲教傳其心之爲禪而循吾所謂大本者以同夫佛之全體妙用始可稱佛子而續慧命也其於諱日追悼豈世禮哉

佛降誕

先期堂司率衆財送庫司營供養請製疏僉疏聖節至日庫司嚴設花亭中置佛降生像於香湯盆內安二小杓佛前敷陳供養畢住持上堂祝香云此佛誕令辰某甲虔焚寶香供養

本師釋迦如來大和尚上酬慈蔭所次次跌座云四明八日恭遇養住持遺教遠孫比丘某甲陞于此座舉唱宗乘所集殊勲土

酬慈蔭下與法界眾生同伸希有之慶次說法竟白云佛下座各具威儀謹白下座

領眾同到殿上向佛排立定住持上香三拜不收坐具進前上

湯進食請客侍者迺上燒香侍者捧置于几畢復位三拜再上

香下颺點茶又三拜收坐具維那揖班上香大眾展拜住持跪

爐維那白佛云華一月在天影瀉眾水一佛出世各坐宣疏畢

舉唱浴佛偈云我今灌沐諸如來淨智莊嚴功德聚身行道浴佛

將畢舉楞嚴呪回向云上佛果菩提四恩等報三有資法界

有情同圓種智十方三世一切佛云云

疏語 大海湛然獨聽 潮音之震蕩太虛廓尔惟景緯

之橫陳由 本大而迹彰抑 時至而機應 俾羣靈咸成正

覺 從五濁示現降生 脫珎服著垢衣 委身以徇舍化城

登寶所 携手同歸 初度重臨 大恩莫報 伏願 扇真

風於末世 揭慧日於中天無佛無魔法法宣揚玉偈非垢非

淨塵塵灌沐 金軀



先期堂司率眾財送庫司營供養請製疏禮同住持上堂

祝香云佛成道日某寺住持遺教遠孫比丘某甲奉為法界眾

同成正覺次趺坐云臘月八日恭遇本師釋迦如來大和尚上

殊羞以伸供養住持遺教遠孫比丘某甲於此座舉唱宗乘所

輪次說法竟白云大佛殿各具威儀謹白下座領眾殿上展拜跪

爐維那白佛云

正覺山前觀明星而悟道大千界內揭惠日以流輝

宣疏畢諷經回向涅槃

日住持先於佛殿拈香祝聖諷經畢次第上堂祝香云佛涅槃日

其寺住持遺教遠孫比丘某甲虔焚寶香供養本師釋迦如來大和尚上酌慈蔭下與法界衆生同伸攀慕所與法身常住法

輪再轉一切有情悟無生忍次趺坐云二月十五日恭遇本師釋迦如來大

香花燈燭茶果珍羞以伸供養住持遺教遠孫比丘某甲陞于此座率揚涅槃妙心所集殊勲上酌慈蔭普願法界衆生同圓

種智說法竟白云大佛殿各具威儀謹白下座領衆殿上展拜跪爐

維那白佛云淨法界身本無出沒宣疏畢諷經回向並同前

疏語道無量劫來成佛豈假進修衆生日用不知示以先覺

覺自覺他而成覺道世出世間而稱世尊闡一代之化儀

遵先佛之遺軌坐菩提樹魔宮隱而無光現優鉢花法

輪熾然常轉故始喻初日之先照而末示拈花之正傳

圓極真常則空有俱亡聖凡夢幻埏埴萬化則今古一瞬天

地豪芒顧末裔之何知誦遺言而有惕伏願色空明暗咸宣

微妙法音蠢動含靈共證智慧德相涅槃各赴羣機法華

之囑累授記力制後學遺教之扶律談常矧拈花得旨

付法正傳而落葉歸根畢吾能事囿於化者終於盡順世無常

寓諸幻而返諸真是名寂滅然神珠恒照於濁垢而寶月

不避於汙流大定無方常住恒河沙劫圓機普應示

現千百億身顧世相之難忘臨諱日而增慕伏願闢末流

之邪見回季運之澆漓定慧兼修長如正法住世天魔

率化 皆爲外護宗綱

佛生中印土姓刹帝利氏瞿曇梵語瞿曇華言甘蔗其始祖
王仙爲獵人射死血入地生甘蔗二本日炙開一生男彌甘蔗
王一生女善賢妃生子作轉輪王以日炙又名日種傳七百
世至淨飯王佛以累劫功行滿足從兜率天降神王宮摩耶
夫人腹胎於周昭王二十六年甲寅歲四月八日生名薩婆悉
達七日母喪賴姨母摩訶波闍波提乳養至二十五歲踰城
往跋伽仙林中取劍斷髮脫身寶衣從獵師買袈裟爲比丘
復北度恒河至伽闍山靜坐六年苦行日食一麻一米以續
精氣復自念若以羸身而取道者彼外道則言自餓是涅槃

因乃浴于尼連河受牧女乳糜釋提桓因以吉祥草敷坐跏
趺于上魔王領兵欲加迫害百計不能少撓作禮悔罪而去
二月八日明星出時豁然大悟得無上道成最正覺

世相傳以臘月

八日或謂周正建子或別有據

時年三十歲矣於摩竭提國阿蘭若菩提

場中演說華嚴小機未入如聾如瘡於三七日觀樹思惟寧
入涅槃梵天帝釋殷勤三請乃詣鹿苑以三乘教轉大法輪
先爲憍陳如等五人說四諦十二因緣六度等教歷十二年
時佛四十二歲至方等會上淘汰弟子漸已開泰於是彈偏
擊小歎大褒圓說維摩楞伽楞嚴般若大乘等經又三十年
時佛七十二歲說法華經以諸弟子皆可任重授記作佛方

暢本懷又八年爲穆王五十三年壬申歲時佛七十九歲佛先
往忉利天爲母說法優填王戀慕鑄金爲像聞佛下降金像
來迎佛姨母摩訶波闍波提五百比丘尼舍利弗目犍連七萬
阿羅漢等不忍見佛涅槃同時入滅菩薩四衆天人八部鳥
獸諸王悉集獨受純陀最後之供爲諸比丘說無常苦空復
言無上正法悉已付囑摩訶迦葉當爲汝等作大依止猶如
如來又以阿難在娑羅林外爲魔所燒乃勅文殊云阿難吾
弟給事我來二十餘年聞法具足如水注器欲令受持是涅槃
經文殊奉旨召阿難歸佛言有梵志須跋陀羅年百二十
未捨憍慢汝可告之如來中夜當般涅槃即與同至聞佛說

法得阿羅漢乃告大衆自我得道度憍陳如最後度須跋陀
羅吾事究竟二月十五日中夜復伸告誡汝等比丘於我滅
後當尊波羅提木叉是汝大師如我住世無異也於七寶床
右脇而卧寂然無聲便般涅槃阿那律升忉利天告摩耶夫
人自天而下世尊起爲說法開慰復語阿難當知爲後世不
孝衆生故從金棺出問訊於母時迦葉與五百弟子自耆闍
崛山奔至悲哽作禮復現双足千輻輪相天人各持香薪至
荼毗所化火自焚七日乃盡衆收舍利滿八金罍阿闍世王
與八國王及帝釋諸天龍王共爭舍利大臣優波吉諫止宜
共分之即分爲三一諸天一龍王一分八王而闍王得八萬

四千數以紫金函盛於五恒河中作塔藏之

帝師涅槃

至日法座上敬安牌位如法鋪設嚴備香花燈燭茶果珍羞供養維那請製疏念疏佛涅槃同隔宿令堂司行者報衆掛諷經牌正日鳴鐘集衆向座鴈立候住持至上香上湯上食下賜上茶禮拜畢拈香有法語維那揖班上香大衆普同禮拜住持跪爐宣疏舉呪回向云上來諷經功德奉為皇天之下一人之上開教宣文輔治大聖至德普覺真智佑國如意大寶法王西天佛子大元帝師上酌慈廕十方三世一切諸佛云云

疏語 天啓 有元篤生 輔治之 大聖 道尊無上實爲

宣文之 法王密贊 化基陰翊 王度 吐辭爲經 舉

足爲法 位居 千佛之中 博厚配地 高明配天 尊極

一人之上 維茲 聖恩益仰 恩光伏願 重駕願輪 贊四

海同文之治化 眷言像季 振千古正法之宗綱

帝師拔合斯八法彌惠幢賢吉祥土波國人也己亥歲四月十三日

降生父曰唆南紺藏初土波有國師禪怛羅吉達得正知見具大

威神累葉相傳道行殊勝其國王世師尊之凡十七代而至薩斯

加哇即師之伯父也師天資素高復禮伯父爲師秘密伽陀微妙

章句一二千言過目成誦七歲演法辯博縱橫年十有五歲在癸丑

世祖皇帝龍德淵潛師灼知真命有歸馳騎徑詣王府
上與中闈東宮皆秉受戒法特加尊禮閱六載庚申

世祖聿登大寶建元中統遂尊爲國師授以玉印任中原法主
統領天下釋教始令僧俗分司四年辭 帝西歸未朞月趣召
來還至元七年庚午有 旨制大元國字師獨運摹畫不日而成
深愜 聖意即詔頒行朝省郡縣悉皆遵用迄爲一代典章升
號 帝師大寶法王更賜玉印旋又西歸十一年 上復專使
召至尋又力辭還山 上堅留之不可十七年十一月廿二日
入滅 上聞不勝震悼追懷連建大窣堵波于京師寶藏真身
舍利輪奐金碧古今無儔見翰林宰士王磐等奉勅所撰碑後升號 皇天之
下一人之上開教宣文輔治大聖至德普覺真智佑國如意
大寶法王 西天佛子 大元帝師



報本章終

尊祖章第四

人各祀其祖重其形生之始也形生始於愛然形有時而化愛
有時而盡惟性之靈然不昧者不恃生而存不偕亡而亡故佛
教人必明性而後之學者復膠於文言不得其指歸猶醫之善
方書而廢藥石何益哉及吾祖達磨至示以直指之道而人始
廓然見夫自性之妙不求文字不資語默而得於聲歎聲色之
外則吾徒之傳祖道嗣祖位者如火之薪水之器無古今之間
毫髮之異不猶重於形生之始乎後百丈大智禪師又作清規
以居吾徒而禪林於是乎始海會端公謂宜祀達磨於中百丈

陪于右而各寺之開山祖配焉見於祖堂綱紀序云



達磨忌

先期堂司率眾財營供養請製疏僉疏佛涅槃同隔宿如法鋪設

法堂座上掛真中間嚴設祭筵爐瓶香几上間設禪椅拂子施

架法衣設床榻者非也下間設椅子經案爐瓶香燭經卷堂司行者報

眾掛諷經牌當晚諷經并覆來日半齋各具威儀散忌諷經參

前鳴僧堂鐘集眾候住持至鳴鼓獻特為湯住持上香三拜不

收坐具上湯退身三拜再進前問訊揖湯復位二拜收坐具鳴

鼓三下行者鳴手磬維那出班念誦云切以宗傳直指亦借潤

輝於未裔仰憑大衆念清淨回向云上念誦功德奉為初祖

尚上酌慈庵十方畢鳴僧堂鐘三下眾散或請就坐藥石昏鐘

鳴再鳴僧堂鐘集眾住持上香維那舉楞嚴呪畢回向云淨法

本無出沒大悲願力示有去來仰冀慈悲俯垂昭鑒今月初五

日伏值初祖菩提達磨圓覺大師大和尚示寂之辰率比丘眾

營備香饌以伸供養諷誦大佛頂萬行首楞嚴神呪所集殊勲

上酌慈庵伏願羣機有賴播揚妙智無窮成就大

乘之根器十方次參頭領眾行者排列喝參禮拜諷經人僕排

列參拜次日早住持上香禮拜上湯上粥座下側坐陪食粥罷

住持上香上茶維那舉大悲呪畢回向祖上菩提達磨圓覺大師

大和尚上酌慈庵半齋鳴僧堂鐘集眾向祖排立住持上香三

拜不收坐具進爐前上湯上食請客侍者供迤俟燒香侍者就

祖位側捧置几上退就位三拜仍進前燒香下颺畢三拜收坐

具鳴鼓講特爲茶

禮如湯

畢住持拈香有法語行者鳴鈸維那出

班揖住持上香侍者捧香合次東堂西堂兩序出班上香大衆

同展三拜維那白云

淨法界身本無出沒大悲願力示有去來

宣疏住持跪爐次舉

楞嚴呪畢回向

上來覺大師大和尙上酌慈塵十方三世云

次行者

諷經疏語

大哉正傳

紹覺皇之宗裔廓然無聖

破義

學之膏肓百川到海迥絕異流

杲日麗天罄無側影

指人

心而成佛成佛同心

契妙道以忘言忘言見道有

大功於

世教宜廣振於宗風

現濁世優曇華實爲鼻祖

取神

州大乘器盡入彀中適逢

瘞履之辰爰效采繁之薦伏願

信衣表

佛祖之重

力任千鈞

一花開

天地之春芳

聯萬世

祖師南天竺國香至王第三子也姓刹帝利本名菩提多羅

後遇二十七祖般若多羅尊者知師密跡因試令與二兄

辯所施寶珠發明心要旣而尊者謂曰汝於諸法已得通量

夫達磨者通大之義也宜名達磨因改名菩提達磨師乃告

尊者曰我旣得法當往何國而作佛事願垂開示尊者曰汝

雖得法未可遠遊且止南天待吾滅後六十七載當往震旦

設大法藥直接上根慎勿速行衰於日下梁普通八年丁未

歲九月二十一日至南海廣州刺史蕭昂表聞武帝帝遣使

詔迎十月一日至金陵與帝語不契是月十九日渡江北十

一月二十三日屆于洛陽當魏孝明太和十年也寓止于嵩
山少林寺面壁而坐終日默然人莫之測謂之壁觀婆羅門
至太和十九年丙辰歲十月五日端居而逝其年十二月二
十八日葬熊耳山起塔於定林寺唐謚圓覺大師塔曰空觀
百丈忌

先期堂司率衆財營供養至日隔宿如法鋪設法堂座上掛真
嚴設中間祭筵上下間几案供具當晚諷經正日散忌特爲茶
湯拈香宣疏出班上香大衆展拜並同達但無念誦初夜回向
云淨法界身本無出沒大悲願力示有去來仰冀慈悲俯垂昭
鑒正月十七日伏值百丈大智竟照弘宗妙行禪師大和尚
示宋之辰率比丘衆營備香羞以伸供養諷誦大佛頂萬行首
楞嚴神呪所集殊勲上酌慈廕伏願曇花再現重開竟苑之春

惠曰長明水燭皆衢
夜十方二世一切云云

疏語 一云爲 天下法 中矩中規 萬世知 師道尊

有綱有紀以儆叢林禮樂之盛見 法筵龍象之多 華梵同

文 富擬名渠天祿 經律相濟 嚴如金科玉條 有布武

堂上之儀非綿蕞野外之禮 即此用離此用 語脫重玄

出於機入於機 理窮衆妙宜配 禪祖以陪祀蓋遵 諱日

而營齋伏願 帝釋精進勝幢 制諸魔外 濟北陰涼大

樹 陰滿閭浮

師福州長樂人王氏子壯歲離塵三學該練屬馬祖闡化江
西法席之盛若大珠南泉歸宗號法龍象而師爲上首暨祖

示寂泐潭師繼之以衆委湊無所容欲辭去道過新吳憇止
車輪峰下有甘貞將暢願施地延居已而衆復至遂建寺為
大拓提馬元和九年正月十七日師歸寂杉林不熱而燎靈
溪方春而涸四衆悲慘葬于大雄峰先是有異人司馬頭陀
者為擇葬地曰傍連三峰未窮其妙法王居之天下師表而
世以為信然云唐長慶元年勅謚大智禪師塔曰大寶勝輪
宋大觀元年加謚覺照塔曰慧聚

大元元統三年加謚弘宗妙行禪師

開山歷代祖忌

開山忌及道行崇重功被山門者隔宿鋪設法堂上禮儀

百文

或無疏庫司備供養若歷代忌不具疏不獻特為茶湯屆期堂
司預報庫司備供養請牌位就法座西首鋪設粥罷集衆住持
兩序一行排立維那出揖班上香畢歸位同辰三拜侍者班尾
拜至大規云有處就祖堂舉大悲呪回向云寶明空海湛死生
拜下食一位誦經非也
門融今古去來之相仰真慈俯垂昭鑒山門今月某日伏值
前主崇山第幾代某號某禪師示寂之辰營備珍羞以伸供養
此丘衆風誦大悲神呪所集殊勳增崇品位伏願慧日重或鄉
輝羅祖室光明之種靈根再藥回少林花木之春云云
人或江湖舉呪回向云和尚增崇品位十方三世云云或有俵
觀則舉楞嚴呪回向同前

嗣法師忌

先德唯激揚宗乘發明自己開示後學知有授受以報恩也

如巴陵三轉語為雲門作忌先輩深有意焉然尊師重道禮
不可廢先期住持出已財送庫司辦祭設供隔宿就法堂如法
排辦堂司行者報眾掛諷經牌當晚諷楞嚴呪鄉人法眷舉大
悲呪次行者諷經回向並同次早住持上粥粥罷大眾諷大悲
呪鄉人法眷舉呪半齋散忌諷經住持上食講特為茶拈香磨
匙兩心上香大眾同拜蓋在座下皆齋時住持入堂燒香展拜
歸位衣鉢侍者行觀時儀觀非禮也齋畢就座點茶燒香侍者
行禮者講特為伴真湯齋罷方丈客頭請西堂兩序晚間對
揖初座燒香上湯并下相伴契湯排照牌位列座右住持
相伴鳴鼓三下退座如有三五人西堂則分作兩座第一座西
堂喫湯住持行禮第二座兩序喫湯侍者行禮或無西堂則已
之諷經罷備湯果預請兩序勤舊如有法眷尊長同門兄弟皆

